

VELIJA KATICA, GRADSKI VIJEĆNIK

Bosna i Hercegovina - Federacija Bosna i Hercegovina  
Kanton Sarajevo - GRAD SARAJEVO  
GRADSKO VIJEĆE

PRIMLJENO: 28-03-2016		
Org. broj / Broj	Tipak	Vrijednost
CA-05-56311E		Arhiva


GRAD SARAJEVO  
GRADSKO VIJEĆE  
Predsjedavajući Gradskog vijeća

U prilogu dopisa dostavlja se ispravljeni tekst amandmana koje sam kao član Kluba gradskih vijećnika SDA, već bio uputio dana 25. 03. 2016. godine.

Molim vas da razmotrite amandmane u tekstu u kojem se dostavljaju uz ovaj akt.

U Sarajevu 28. 03. 2016. godine,

Prof. Dr. Velija Katica



# VELIJA KATICA, GRADSKI VIJEĆNIK

## GRAD SARAJEVO GRADSKO VIJEĆE Predsjedavajući Gradskog vijeća

Na osnovi člana 124. Poslovnika Gradskog vijeća Grada Sarajeva („Službene novine Kantona Sarajevo“, br.: 28/09), Velija Katica, Gradski vijećnik na Prijedlog Budžeta Grada Sarajeva za 2016. Godinu, podnosi amandmane kako slijedi.

### AMANDMAN I.

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI JAVNIM PREDUZEĆIMA I USTANOVAMA – konto 614400, iznos planiran u koloni „Budžet 2016“ za projekt broj 5. „Sufinansiranje nabavke opreme za operativne zahvate kuka i koljena“ u visini od „0,00“ KM, mijenja se i glasi **„25.000,00“KM.**

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI NEPROFITNIM ORGANIZACIJAMA – konto 614300, iznos planiran u koloni „Budžet 2016“ u alineji 24. „Grantovi za nepredviđene izdatke“, u visini od „50.000,00“ KM mijenja se i glasi **„5.000,00“KM.**

U skladu s predloženim, usklađuju se svi iznosi koji su funkcija iznosa čije promjene se predlažu, a koji se planiraju u Prijedlogu Budžeta Grada Sarajeva za 2016. godinu, u dijelu Izdaci – Gradska uprava.

#### Obrazloženje

Predlaže se planiranje izdatka za nabavku aparata za artroskopiju koljena u Općoj bolnici „Primarijus dr. Abdulah Nakaš“ u Sarajevu u iznosu od **25.000,00 KM.**

Na ovaj način bi se upotpunosti riješila pitanje artroskopskog načina liječenja pacijenata koji imaju oboljenja koljena, a mogu se liječiti ovom savremenom metodom.

Napomena: Projekat bio planiran budžetom 2015. godine i nije realizovan.

Predloženim rješenjem predlaže se umanjeње iznosa koje je predložen u visini od 50.000,00KM za nepredviđene izdatke za 45.000,00KM, od čega se 25.000,00KM usmjerava za sufinansiranje nabavke navedene opreme za aparat za artroskopiju, a preostali dio od 20.000,00KM preusmjerava za sufinansiranje projekta „Ekološkog društva za zaštitu i uzgoj ptica“ – 5.000,00KM, sufinansiranje snimanja dokumentarnog filma „Laste“- 10.000,00KM i za sufinansiranje obnove Planinarskog doma „Čavljak“ 5.000,00KM

## AMANDMAN II.

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI JAVNIM PREDUZEĆIMA I USTANOVAMA – konto 614400, iznos planiran u koloni „Budžet 2016“ za projekt broj 9. „Sufinansiranje obnove vrtića „Razigrani dani“ u ulici Pl. lige, MZ „Breka -Koševo II“ u visini od „0,00“ KM mijenja se i glasi **„20.000,00“KM.**

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI KAPITALNI GRANT – konto 615100, u alineji broj 8. „Projektovanje i sanacija fasada“ predloženi iznos od 70.000,00KM se mijenja i glasi 20.000,00KM.

U skladu s predloženim, usklađuju se svi iznosi koji su funkcija iznosa čije promjene se predlažu, a koji se planiraju u Prijedlogu Budžeta Grada Sarajeva za 2016. godinu, u dijelu Izdaci – Gradska uprava.

### Obrazloženje

Predlažem da se za sufinansiranje revitalizacije obdaništa „Razigrani dani“ u ulici Patriotske lige, MZ „Kosevo II - Breka“, odobri u budžetu za 2016. godinu **20.000 KM.** Ovo sufinansiranje revitalizacije obdaništa „Razigrani dani“ u ulici Patriotske lige, MZ „Kosevo II - Breka“, bi bila potpora stavljanja u funkciju jednog od najbolje uređenih obdaništa na području Kantona Sarajeva prije rata.

Napomena: Projekat bio planiran budžetom 2015. godine i nije realizovan.

Predloženim rješenjem predlaže se smanjenje sredstava za projektovanje i sanaciju gasada za koji je predloženo izvajanje sredstava u visini od 70.000,00KM, za 50,000,00 od čega se dio od 20.000,00KM usmjerava za sufinansiranje obnove dječjeg vrtića u MZ „Koševo II - Breka“, a preostali dio od 30.000,00KM usmjerava za sufinansiranje izgradnje „Doma oslobođenih“.

## AMANDMAN III.

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI NEPROFITNIM ORGANIZACIJAMA – konto 614300, dodaje se nova alneja „24. a. Ekološko društvo za zaštitu i uzgoj ptica - sufinansiranje nabavke opreme za prikupljanje podataka o uzgoju sarajevskog goluba prevrtača“ u kojoj se , u koloni „Budžet 2016“, za ovu namjenu planira iznos od **„5.000,00“KM.**

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI NEPROFITNIM ORGANIZACIJAMA – konto 614300, iznos planiran u koloni „Budžet 2016“ u alineji 24 „Grantovi za nepredviđene izdatke “ u visini od „50.000,00“ KM, mijenja se i glasi **„5.000,00“KM**

U skladu s predloženim, usklađuju se svi iznosi koji su u funkcija iznosa čije promjene se predlažu, a koji se planiraju u Prijedlogu Budžeta Grada Sarajeva za 2016. godinu, u dijelu Izdaci – Gradska uprava.

### Obrazloženje

Predlaže se za „Ekološko društvo za zaštitu i uzgoj ptica“ iz Sarajeva koje egzistira na području grada Sarajeva, izdvoji **5.000 KM**, u cilju nabavke opreme za prikupljanje baze podataka za uzgajivače sarajevskog goluba prevrtača u BiH.

Na ovaj način bi omogućili „Ekološkom društvu za zaštitu i uzgoj ptica“ iz Sarajeva koje egzistira na području grada Sarajeva, da nabavi informatičku opremu za izradu baze podatka o trenutnom stanju i perspektivama uzgoja sarajevskog prevrtača kao priznate autohtone vrste golubova u BiH, kao i učešće na izložbama sitnih životinja u 2016. godini.

Predloženim rješenjem predlaže se umanjeње iznosa koji je predložen u visini od 50.000,00KM za nepredviđene izdatke za 45.000,00KM, od čega se 5.000,00KM usmjerava za sufinansiranje projekta „Ekološkog društva za zaštitu i uzgoj ptica“, a preostali dio za sufinansiranje snimanja dokumentarnog filma „Laste“ - 10.000,00KM, za sufinansiranje obnove Planinarskog doma „Čavljak“ 5.000,00KM i za sufinansiranje nabavke opreme za aparat za artroskopiju koljena - 25.000,00KM.

#### **AMANDMAN IV.**

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI NEPROFITNIM ORGANIZACIJAMA – konto 614300, dodaje se nova alineja „3. a. Sufinansiranje snimanja dokumentarnog filma o ratnoj jedinici „Laste“ u kojoj se, u koloni „Budžet 2016“, za ovu namjenu, planira iznos od „**10.000,00“KM. Izdaci**, u dijelu TEKUĆI GRANTOVI NEPROFITNIM ORGANIZACIJAMA – konto 614300, iznos planiran u koloni „Budžet 2016“ u alineji 24. „Grantovi za nepredviđene izdatke“, u visini od „50.000,00“ KM, mijenja se i glasi „**5.000,00“KM**

U skladu s predloženim, usklađuju se svi iznosi koji su funkcija iznosa čije promjene se predlažu, a koji se planiraju u Prijedlogu Budžeta Grada Sarajeva za 2016. godinu, u dijelu Izdaci – Gradska uprava.

#### Obrazloženje

Predlaže se za sufinansiranje snimanja dokumentarnog filma o značaju ratne jedinice „Laste“ u odbrambeno-oslobodilačkom ratu u RBiH, odobri u budžetu za 2016. godinu **10.000 KM**. Na ovaj način bi se sufinansiralo snimanje dokumentarnog filma o značaju jedne od najznačajnijih jedinica OS RBiH u odbrambeno-oslobodilačkom ratu 1992.-1995.

Predloženim rješenjem predlaže se umanjeње iznosa koje je predložen u visini od 50.000,00KM za nepredviđene izdatke za 45.000,00KM, od čega se 10.000,00KM izdvaja za sufinansiranje snimanja dokumentarnog filma „Laste“, a ostatak preusmjerava za sufinansiranje projekta „Ekološkog društva za zaštitu i uzgoj ptica“ - 5.000,00KM, za sufinansiranje obnove Planinarskog doma „Čavljak“ 5.000,00KM i za sufinansiranje nabavke opreme za aparat za artroskopiju - 25.000,00KM.

#### **AMANDMAN V.**

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI NEPROFITNIM ORGANIZACIJAMA – konto 614300, iznos planiran u koloni „Budžet 2016“ za projekt broj 22. „Sufinansiranje izgradnje Planinarskog doma „Čavljak“ u visini od „0,00“ KM mijenja se i glasi „**5.000,00“KM Izdaci**, u dijelu TEKUĆI GRANTOVI NEPROFITNIM ORGANIZACIJAMA – konto 614300, iznos planiran u koloni „Budžet 2016“ u alineji 24. „Grantovi za nepredviđene izdatke“ u visini od „50.000,00“ KM mijenja se i glasi „**5.000,00“KM**

U skladu s predloženim, usklađuju se svi iznosi koji su u funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2016. godinu, u dijelu Izdaci – Gradska uprava.

#### Obrazloženje

Predlaže se za sufinansiranje izgradnje Planinarskog doma na Čavljaku-Barice, Planinarskom društvu „Centar“ odobri u budžetu za 2016. godinu **5.000 KM**.

Na ovaj način bi se sufinansirala izgradnja infrastrukture Planinarskog doma na Čavljaku koji bi se mogao koristiti u različite svrhe svih građana Grada Sarajeva.

Predloženim rješenjem predlaže se umanjeno iznosa koje je predložen u visini od 50.000,00KM za nepredviđene izdatke za 45.000,00KM, od čega se 5.000,00KM izdvaja za sufinansiranje obnove Planinarskog doma „Čavljak“, preostali iznos se planira za snimanja dokumentarnog filma „Laste“-10.000,00, za sufinansiranje projekta „Ekološkog društva za zaštitu i uzgoj pitca“-5.000,00KM, i za sufinansiranje nabavke opreme za aparat za artroskopiju -25.000,00KM.

### **AMANDMAN VI.**

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI DRUGIM NIVOIMA – konto 614100, dodaje se nova alineja „ 2. a. „Parkovski mobilijar - Općina Novio Grad – sufinansiranje projekta “ u kojoj se, u koloni „Budžet 2016“, za ovu namjenu planira iznos od „**50.000,00“KM**.

U skladu s predloženim, usklađuju se svi iznosi koji su funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2016. godinu, u dijelu Izdaci – Gradska uprava.

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI DRUGIM NIVOIMA – konto 614100, iznos planiran u koloni „Budžet 2016“ za projekt broj 1. „Održavanja vodotoka, uređenje, održavanja i zaštita neuređenih vodotoka na području grada“ u visini od „200.000,00“ KM mijenja se i glasi „**150.000,00“KM**

U skladu s predloženim, usklađuju se svi iznosi koji su funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2016. godinu, u dijelu Izdaci – Gradska uprava.

#### Obrazloženje

Predlaže se za sufinansiranje izgradnje parkovskih mobilijara Općini Novi Grad odobri u budžetu za 2016. godinu **50.000 KM**. Na ovaj način bi se obezbijedilo da se u parkovima Novog Grada izgrade mobilijari koji su neophodni kao sadržaj za dječije igre.

## AMANDMAN VII.

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI DRUGIM NIVOIMA – konto 614100, iznos planiran u koloni „Budžet 2016“ za projekt broj 15. „Sufinansiranje mamorijskog kompleksa na brdu „Žuč“ u visini od „0,00“ KM mijenja se i glasi „**30.000,00“KM**

U skladu s predloženim, usklađuju se svi iznosi koji su u funkcija iznosa čija promjena se predlaže, a koji se planiraju u Prijedlogu Budžeta Grada Sarajeva za 2016. godinu u dijelu Izdaci – Gradska uprava.

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI KAPITALNI GRANT – konto 615100, u alineji broj 8. „Projektovanje i sanacija fasada“ predloženi iznos od 70.000,00KM se mijenja i glasi 20.000,00KM.

U skladu s predloženim, usklađuju se svi iznosi koji su funkcija iznosa čija promjena se predlaže, a koji se planiraju, u Prijedlogu Budžeta Grada Sarajeva za 2016. godinu, u dijelu Izdaci – Gradska uprava.

### Obrazloženje

Predlažem da se za sufinansiranje izgradnje „Doma oslobodilaca“ na brdu „Žuč“ u budžetu za 2016. godinu odobri **30.000 KM**. Na ovaj način bi se sufinansirala izgradnja jednog od najznačajnijih spomen obilježja braniocima grada Sarajeva i RBiH.

Predloženim rješenjem predlaže se smanjenje sredstava predloženih za realizaciju projektovanja i sanacije fasada za koji je predloženo izdvajanje sredstava u visini od 70.000,00KM, za 50.000,00 KM, od čega se dio do 30.000,00KM preusmjerava za sufinansiranje „Doma oslobodilaca“, a preostalih 20.000,00KM za sufinansiranje ognovne dječjeg vrtića u MZ „Koševo II -Breka“.

U Sarajevu 28. 03. 2016. godine

Prof. dr. Velija Katica

